

十八家詩鈔

十八家詩鈔卷十八目錄

杜工部五律上二百九十七首

登兗州城樓

題張氏隱居

劉九法曹鄭瑕邱石門宴集

與任城許主簿遊南池

對雨書懷走邀許主簿

已上人茅齋

房兵曹胡馬

畫鴈

過宋員外之問舊莊

天寶初南曹小司寇舅於我太夫人堂下壘土爲山一匱
盈尺以代彼朽木承諸焚香資甌甌甚安矣旁植慈竹
蓋茲數峰欽岑嬋娟宛有塵外致乃不知興之所至而
作是詩

龍門

夜宴左氏莊

重題鄭氏東亭

暫如臨邑至峭山湖亭奉懷李員外率爾成興

冬日有懷李白

春日憶李白

杜位宅守歲

李監宅二首

送韋書記赴安西

奉陪鄭駙馬韋曲二首

陪鄭廣文遊何將軍山林十首

重過何氏五首

陪李金吾花下飲

陪諸貴公子丈八溝攜妓納涼晚際遇雨二首

與鄆縣源大少府宴漢陂得寒字

送裴二虬尉永嘉

崔駙馬山亭宴集

九日曲江

寄高三十五書記

送張二十參軍赴蜀州因呈楊五侍御

贈陳二補闕

故武衛將軍挽詞三首

白水明府舅宅喜雨

九日楊奉先會白水崔明府

官定後戲贈

避地

送靈州李判官

月夜

對雪

元日寄韋氏妹

得舍弟消息二首

憶幼子

一百五日夜對月

春望

喜達行在所三首

月

哭長生侍御

奉贈嚴八閣老

留別賈嚴二閣老兩院遺補諸公得聞字

晚行口號

獨酌成詩

收京三首

奉贈王中允維

春宿左省

晚出左掖

送賈閣老出汝州

送翰林張司馬南海勒碑

奉答岑參補闕見贈

贈畢四曜

端午日賜衣

酬孟雲卿

至德二載甫自京金光門出閒道歸鳳翔乾元初從左拾
遺移華州掾與親故別因出此門有悲往事

獨立

寄高三十五詹事

八家詩集
卷十八
贈高式顏

觀安西兵過赴闕中待命二首

觀兵

路逢襄陽楊少府入城戲題四韻附呈楊四員外綰

憶弟二首

得舍弟消息

不歸

秦州雜詩二十首

送人從軍

示姪佐

佐還山後寄三首

宿贊公房

秋日阮隱居致薤三十束

從人覓小胡孫許寄

遣懷

寓目

野望

雨晴

日暮

東樓

山寺

天河

初月

擣衣

歸燕

促織

螢火

蒹葭

苦竹

除架

廢畦

夕烽

秋笛

空囊

病馬

蕃劍

銅瓶

月夜憶舍弟

天末懷李白

所思

言金
卽事

送遠

酬高使君相贈

王十五司馬弟出郭相訪遺營草堂貲

梅雨

江漲

爲農

賓至

田舍

雲山

造興

遺愁

北隣

過南隣朱山人水亭

出郭

散愁二首

奉簡高三十五使君

和裴迪登新津寺寄王侍郎

村夜

西郊

寄楊五桂州譚

寄贈王十將軍承俊

奉酬李都督表丈早春作

題新津北橋樓得郊字

遊修覺寺

後遊

遣意二首

漫成二首

春夜喜雨

春水

江亭

早起

落日

可惜

獨酌

徐步

寒食

贈別何邕

石鏡

琴臺

水檻遣心二首

朝雨

晚晴

高栢

惡樹

一室

聞斛斯六官未歸

赴青城縣出成都寄陶王二少尹

野望因過常少仙

送裴五赴東川

逢唐興劉主簿弟

敬簡王明府

重簡王明府

不見

草堂卽事

徐九少尹見過

范二員外邈吳十侍御郁特枉駕闕展待聊寄此作

王竟攜酒高亦同過

觀作橋成月夜舟中有述還呈李司馬

得廣州張判官叔卿書使還以詩代意

魏十四侍御就敝廬相別

贈別鄧鍊赴襄陽

廣州段功曹到得楊五長史譚書功曹卻歸聊寄此詩

送段功曹歸廣州

江頭五詠

畏人

屏跡三首

嚴公廳宴同詠蜀道畫圖得空字

奉濟驛重送嚴公四韻

題玄武禪師屋壁

悲秋

客夜

客亭

九日登梓州城

九日奉寄嚴大夫

戲題寄上漢中王三首

翫月呈漢中王

陪王侍御宴通泉東山野亭

舍弟占歸草堂檢校聊示此詩

春日梓州登樓二首

送司馬入京

遠遊

鄴城西原送李判官兄武判官弟赴成都府

涪江泛舟送韋班歸京得山字

泛舟送魏十八倉曹還京因寄岑中允參范郎中季明

泛江送客

雙燕

百舌

登牛頭山亭子

上牛頭寺

望牛頭寺

上兜率寺

望兜率寺

甘園

陪李梓州王閬州蘇遂州李果州四使君登惠義寺

數陪李梓州泛江有女樂在諸舫戲爲豔曲二首贈李

送何侍御歸朝

江亭送眉州辛別駕昇之得蕪字

行次鹽亭縣聊題四韻奉簡嚴遂州蓬州兩使君諮議諸

昆季

倚杖

陪王漢州畱杜縣州泛房公西湖

舟前小鵝兒

送韋郎司直歸成都

臺上得涼字

章梓州水亭

有感五首

送元二適江左

薄遊

薄暮

放船

贈韋贊普別

警急

王命

征夫

西山三首

對雨

歲暮

送李卿睦

城上

江亭王閬州筵餞蕭遂州

陪王使君晦日泛江就黃家亭子二首

泛江

暮寒

遊子

滕王亭子

玉臺觀

十八家詩鈔卷十八目錄

善化黃維中襄校

十八家詩鈔卷十八

湘鄉曾國藩纂 合肥李鴻章審訂 東湖王定安校

杜工部五律上二百九十七首

登兗州城樓

東郡趨庭日

錢注甫父閑嘗爲兗州司馬黃鶴曰天寶九載改兗州爲魯郡乾元元年復爲兗州南樓縱

目初浮雲連海岱

一作嶽平野入青徐孤嶂秦碑在荒城魯殿餘

從來多古意臨眺獨躊躇

題張氏隱居二首

前一首七律另抄

之子時相見邀人晚興留霽一作濟非潭鱣發發春草鹿呦呦杜酒

偏勞勸張黎不外求前村山路險歸醉每無愁

劉九法曹鄭瑒邱石門宴集

秋水清無底蕭然淨客心掾曹乘逸興鞍馬去相尋能吏逢聯璧華筵直一金晚來橫吹好泓下亦龍吟

與任城許主簿遊南池

秋水通溝洫城隅進

一作集

小船晚涼看洗馬森木亂鳴蟬菱熟

經時雨蒲荒八月天晨朝降白露遙憶舊青瑣

對雨書懷走邀許主簿

錢本題作走邀許十一簿公

東嶽雲峰起溶溶滿太虛震雷翻幕燕驟雨落河魚座對賢人酒門聽長者車相邀愧泥濘騎馬到階除

已上人茅齋

已公茅屋下可以賦新詩枕簟入林僻茶瓜畱客遲江蓮搖白羽天棘蔓舊作夢青絲空忝許詢輩難酬支遁詞

房兵曹胡馬

胡馬大宛名鋒稜瘦骨成竹批雙耳峻風入四蹄輕所向無空闊直堪託死生驍騰有如此萬里可橫行

畫鷹

素練風霜起蒼鷹畫作殊搜身思狡兔側目似愁胡條鉞光堪摘軒楹勢可呼何當擊凡鳥毛血灑平蕪

過宋員外之問舊莊

員外季弟執金吾見知於代故有下句

宋公舊池館零落首陽阿枉道祇從入吟詩許更過淹畱問耆

舊寂寞向山河更識將軍樹悲風日暮多

天寶初南曹小司寇舅於我太夫人堂下壘一作累土爲山

一匱一作簣盈尺以代彼朽木承諸焚香資甌甌甚安矣

旁植慈竹蓋茲數峰嵌岑嬋娟宛有塵外數一本無致

乃不知興之所至而作是詩錢注范陽太君盧氏審言

於陳留郡之私第公作墓誌

一匱功盈尺三峰意出羣望中疑在野幽處欲生雲慈竹春陰

覆香爐曉勢分惟南將獻壽佳氣日氤氳一作氣

龍門

龍門橫野斷驛樹出城來氣色皇居近金銀佛寺開往來時屢

改川陸日悠哉相關征途上生涯盡幾回

夜宴左氏莊

風林纖月落衣露靜一作琴張暗水流花徑春星帶草堂檢書
燒燭短看劒引杯長詩罷聞吳詠扁舟意不忘

重題鄭氏東亭

在新安界

華亭入翠微秋日亂清暉

一作

崩石欹山樹晴

舊作清

漣曳水衣

紫鱗衝岸躍蒼隼護巢歸向晚尋征路殘雲傍馬飛

暫如臨邑至嵒山湖亭奉懷李員外率爾成興

野亭逼湖水歇馬高林開巖吼風奔浪魚跳日映山暫遊阻詞

伯卻望懷壽關靄靄生雲霧惟應促駕還

冬日有懷李白

寂寞書齋裏終朝獨爾思更尋嘉樹傳不忘角弓詩
桓褐風霜入還丹日月遲未因乘興去空有鹿門期

春日憶李白

白也詩無敵飄然思不羣清新庾開府俊逸鮑參軍
渭北春天樹江東日暮雲何時一樽酒重與細論文

杜位宅守歲

錢箋杜位公之從弟宰相世系表位考功郎中湖州刺史困學紀聞位林甫諸壻也四十

明朝過年譜謂天寶十載時林甫在相位蓋簪列炬其炙手之徒歟又寄位詩近聞寬法離新州其流貶蓋以

林甫故林甫傳云諸壻杜位等皆貶官

守歲阿戎

一作咸

家椒盤已頌花盞簪喧櫪馬列炬散林鴉四十

明朝過飛騰。暮景斜誰能。更拘束。爛醉是生涯。

李監宅二首

一作李臨鐵

尙覺王孫貴。豪家意頗濃。屏開金孔雀。褥隱繡芙蓉。且食雙魚美。誰看異味重。門闌多喜色。女壻近乘龍。

華館春風起。高城煙霧開。雜花分戶映。嬌燕入簾回。一見能傾座。虛懷祇愛才。鹽車雖絆驥。名是漢庭來。錢本無後一首

送韋書記赴安西

夫子歛通貴。雲泥相望懸。白頭無籍在。朱紱有哀憐。書記赴三捷。公車畱二年。欲浮江海去。此別意茫然。

奉陪鄭駙馬韋曲二首

韋曲花無賴。家家惱殺人。綠樽須盡日。白髮好禁春。石角鉤衣破。藤梢刺七音眼新。何時占叢竹。頭戴小烏巾。
野寺垂楊裏。春畦亂水閒。美花多映竹。好鳥不歸山。城郭終何事。風塵豈駐顏。誰能共公子。薄暮欲俱還。

陪鄭廣文遊何將軍山林十首

不識南塘路。今知第五橋。名園依綠水。野竹上青霄。谷口舊相得。濠梁同見招。平生爲幽興。未惜馬蹄遙。

百頃風潭上。千章夏木清。卑枝低結子。接葉暗巢鶯。鮮鯽銀絲鱸。香芹碧澗羹。翻疑柁樓底。晚飯越中行。

萬里戎王子

本草曰華子云獨沽一名戎王使者此花當是其類

何年別月支。異花來絕

域滋蔓。匪清池。漢使徒空到。神農竟不知。露翻兼雨。打開圻日。

一作離披

旁舍連高竹。疏籬帶晚花。碾渦深沒馬。碾渦當是舊時水磨。今

可沒馬也。藤蔓曲藏垂。一作蛇詞賦工何無。益山林跡未賒。

盡捻書籍賣。來問爾東家。

騰刺水滄江。破殘山碣石。開綠垂風折。笋紅綻雨肥。梅銀甲彈

箏。用金魚換酒來興。移無灑掃隨。意坐莓苔。

風磴吹陰雪。雲門吼瀑泉。酒醒思臥簟。衣冷欲裝綿。野老來看

客。河魚不取錢。祇疑瀟湘處。自有一山川。

棘樹寒雲色。錢箋吳若本注刊作棘。爾雅云棲赤棘白者。棘山

厄切注云赤棘好叢生山中。白棘圓葉而歧爲大

木國藩按本句云寒雲色下云陰茵蔯春藕香脆添生菜美陰
益食單涼一作棘樹也
益食單涼野鶴清晨出一作至山精白日藏石林蟠水府百里獨

蒼蒼

憶過楊柳渚走馬定昆池醉把青荷葉狂遺白接籬刺船思郢
客解水乞吳兒坐對秦山晚江湖興頗隨

牀上書連屋階前樹拂雲將軍不好武稚子總能文醒酒微風
入聽詩靜夜分絺衣挂蘿薜涼月白紛紛

幽意忽不愜歸期無奈何出門流水住

一作注

回首白雲多自笑

燈前舞誰憐醉後歌祇應與朋好風雨亦來過

重過何氏五首

問訊東橋竹將軍有報書倒衣還命駕高枕乃吾廬花妥鶯捎
蝶溪喧獺趁魚重來休沐地真作野人居

山雨樽仍在沙沈榻未移犬迎曾宿客鷗護落巢兒雲薄翠微

寺天清皇子陂向來幽興極步履一作履過一作東籬

落日平臺上春風啜茗時石欄斜點筆桐葉坐題詩翡翠鳴衣

桁蜻蜓立釣絲自今幽興熟來往亦無期

頗怪朝參嬾應耽野趣長雨拋金鎖甲苔臥綠沈槍手自移蒲

柳家纔足稻梁看君用幽意白日到羲皇

到此應嘗陋一作宿相畱可判年蹉跎暮容色一作悵望好林泉

何日霑微祿歸山買薄田斯遊恐不遂把酒意茫然

陪李金吾花下飲

勝地初相引徐行得自娛見輕吹鳥毳隨意數花鬢細草偏稱
坐香醪嬾再沽醉歸應犯夜可怕李張遠作金吾

陪諸貴公子丈八溝攜妓納涼晚際遇雨二首

落日放船好輕風生浪遲竹深畱客處荷淨納涼時公子調冰
水佳人雪藕絲片雲頭上黑應是雨催詩

雨來霑席上風急

一作惡

打船頭越女紅裙溼燕姬翠黛愁纔侵

堤柳繫慢卷浪花浮歸路翻蕭颯陂塘五月秋

與鄂縣源大少府宴漢陂得寒字

應爲西陂好金錢罄一餐飯抄雲子白瓜嚼水精寒無計迴船

下空愁避酒難主人情爛漫持答翠琅玕

送裴二虬永嘉

孤嶼亭何處天涯水氣中故人官就此絕境與誰同
隱吏逢梅福遊山憶謝公扁舟吾已具一作就把釣待秋風

崔駙馬山亭宴集

蕭史幽棲地林間踏鳳毛汎流何處入亂石閉門高
客醉揮金碗詩成得繡袍清秋多宴會一云賞樂終日困香醪

九日曲江

綴席茱萸好浮舟菡萏衰百年秋已半九日意兼悲
江水清源曲荆門此路疑晚來高興盡搖蕩菊花期

寄高三十五書記

歎息高生老新詩日又多美名人不及佳句法如何主將收才
子崆峒足凱歌聞君已朱紱且得慰蹉跎

送張二十參軍赴蜀州因呈楊五侍御

好去張公子通家別恨添兩行秦樹直萬點蜀山尖御史青驄
馬參軍舊紫髯皇華吾善處于汝定無嫌

贈陳二補闕

世儒多汨沒夫子獨聲名獻納開東觀君王問長卿皂鴈寒始
急天馬老能行自到青冥裏休看白髮生

故武衛將軍挽詞二首

嚴警當寒夜前軍落大星壯夫思敢決哀詔惜精靈王者今無
戰書生已勒銘封侯意疏闊編簡爲誰青

舞劍過人絕鳴弓射獸能鉅

音纖

鋒行愜順猛噬失躋騰赤羽千

夫膳黃河十月冰橫行沙漠外神速至今稱

哀挽青門去新阡絳水遙路人紛雨泣天意颯風颺部曲精仍
銳匈奴氣不驕無由覩雄略大樹日蕭蕭

白水明府舅宅喜雨

吾舅政如此古人誰復過碧山晴又溼白水雨添多精禱旣不
昧歡娛將謂何湯年旱頗甚今日醉絃歌

九日楊奉先會白水崔明府

今日潘懷縣同時陸浚儀坐開桑落酒來把菊花枝天宇清霜
淨公堂宿霧披晚酣畱客舞鸞舄共差池

官定後戲贈

時免河西尉爲右衛率府兵曹○自此以上皆天寶未亂以前之詩

不作河西尉淒涼爲折腰老夫怕趨走率府且逍遙耽酒須微
祿狂歌託聖朝故山歸興盡回首向風飈

避地

此下皆安史亂後之詩

避地歲時晚鼠身筋骨勞詩書遂牆壁奴僕且旌旄行在僅聞
信此生隨所遭神堯舊天下會見出腥臊

送靈州李判官

此及上首皆集外詩

羯胡腥四海回首一茫茫血戰乾坤赤氛迷日月黃將軍專策

略幕府盛才良近賀中興主神兵動朔方

月夜

今~~樓~~鄜州月閨中祇獨看遙憐小兒女未解憶長安香霧雲鬟溼清輝玉臂寒何時_{一作當}倚虛幌雙照淚痕乾

對雪

戰哭多新鬼愁吟獨老翁亂雲低薄暮急雪舞迴風瓢棄樽無綠爐存火似紅數州消息斷愁坐正書空

元日寄韋氏妹

近聞韋氏妹迎在漢鍾離郎伯殊方鎮京華舊國移秦_{一作春}城

迴北斗郢樹發南枝不見朝正使啼痕滿面垂_{此至德二載元日作妹嫁韋氏}

卽同谷七歌所云有妹有妹在鍾離者也鍾離卽今之鳳陽府
戰國時屬楚地詩中鄧樹句指妹在楚境也婦人稱其夫曰郎
日伯詩自伯之東

得舍弟消息二首

近有平陰信遙憐舍弟存側身千里道寄食一家村烽舉新酣

戰啼垂舊血痕不知臨老日招得幾人

一作時魂

汝懦歸無計吾衰往未期浪傳烏鵲喜深負鵲鴿詩生理何顏
面憂端且歲時兩京三十口雖在命如絲

憶幼子

驥子春猶隔鶯歌暖正繁別離驚節換聰慧與誰論澗水空山
道柴門老樹村憶渠愁祇

一作卽作正睡炙背俯晴軒

一百五日夜對月

無家對寒食有淚如金波
斫卻月中桂清光應更多
化離放紅藥想像舊作青蛾
牛女漫愁思秋期猶渡河

春望

國破山河在城春一作荒草木深
感時花濺淚恨別鳥驚心
烽火連三月家書抵萬金
白頭搔更短渾欲不勝簪

喜達行在所三首

西憶岐陽信無人遂卻回
眼穿當落日心死著寒灰
霧一作茂樹

行相引連山

一作連山

望忽開所親驚老瘦
辛苦賊中來

愁思胡笳夕淒涼
漢苑春生還今日
事問道暫時人
司隸章初

睹南陽氣已新喜心翻倒極嗚咽淚沾巾
死去憑誰報歸來始自憐猶瞻太白雪喜遇武功天影靜千官
裏心蘇七校前今朝漢社稷新數中興年

月

天上秋期近人閒月影清入河蟾不沒搗藥兔長生祇益丹心
苦能添白髮明干戈知滿地休照國西營

哭長生侍御

道爲詩書重名因賦頌雄禮闈曾擢桂憲府屢乘驄流水生涯
盡浮雲世事空惟餘舊臺柏蕭瑟九原中

奉贈嚴八閣老

扈聖

一作今日

登黃閣明公獨妙年蛟龍得雲雨鵬鶚在秋天客禮

容疏放官曹可

一作詩

接聯新詩句句好應任老夫傳

畱別賈嚴二閣老兩院遺補諸公得聞字

二閣老賈至嚴武也杜公家寓

鄜州彌年艱窘詔許自往視此將北征之時所作

田園須暫往戎馬惜離羣去遠畱詩別愁多任酒醺一秋常苦

雨今日始無雲山路時晴

一作

吹角那堪處處聞

晚行口號

三山不可到歸路晚山稠落雁浮寒水飢鳥集成樓市朝今日

異喪亂幾時休遠媿梁江總還家向黑頭

獨酌成詩

燈花何太喜酒綠正相親醉裏從爲客詩成覺有神
兵戈猶在眼儒術豈謀身苦被微官縛低頭媿野人

收京三首

仙仗離丹極妖星照

一作帶

玉除須爲下殿走不可好樓居暫屈

汾陽駕聊飛燕將書依然

一作帶

七廟略更與萬方初

生意甘衰白天涯正寂寥忽聞哀痛詔又下聖明朝羽翼懷商

老文思憶帝堯叨逢罪己日霑灑

一作灑

望青霄

汗馬收宮闕春城鏹賊壕賞應歌杖杜歸及薦櫻桃雜虜橫戈
數功臣甲第高萬方頻送喜無乃聖躬勞

奉贈王中允維

中允聲名久如今。契闊深共傳收庾。信不比得陳琳。一病緣明主。三年獨此心。窮愁應有作。試誦白頭吟。

春宿左省

花隱掖垣暮。啾啾棲鳥過。星臨萬戶動。月傍九霄多。不寢一作

聽金鑰

一作錄

因風想玉珂。明朝有封事。數問夜如何。

晚出左掖

晝刻傳呼淺。春旗簇仗齊。退朝花底散。歸院柳邊迷。樓雪融城溼。宮雲去殿低。避人焚諫草。騎馬欲雞棲。

送賈閣老出汝州

西掖梧桐樹。空留一院陰。艱難歸故里。去住損春心。宮殿青門

隔雲山紫邏深

錢箋寰宇記廢臨汝縣在汝州西南六十里本漢梁縣地唐先天二年割置縣於今縣西二十

里紫邏川置

人生五馬貴莫受二毛侵

送翰林張司馬

學士云南海勒碑國自注相

冠冕通南極文章落上台詔從三殿去碑到百蠻開野館濃花發春帆細雨來不知滄海上一作使天遣幾時迴

奉答岑參補闕見贈

窈窕清禁闕罷朝歸不同君隨丞相後我往一作住非日華東

錢箋

唐六典宣政殿前有兩廡兩廊各有門其東曰日華日華之東則門下省也居殿廡之左故曰左省西廊有門曰月華月華之西郎中書省也凡兩省官繫銜以左右者皆分屬焉罷朝歸不同言分東西班各歸本省也君隨丞相後宰相罷朝由月華門出而入中書凡西省官亦隨丞相出西也冉冉柳枝碧娟娟若左省官仍自東出救云我往日華東也

藥紅故人得佳句獨贈白頭翁

贈畢四曜

才大今詩伯家貧苦宦卑飢寒奴僕賤顏狀老翁爲同調嗟誰
惜論文笑自知流傳江鮑體相顧免無兒

端午日賜衣

宮衣亦有名端午被恩榮細葛含風軟香羅疊雪輕自天題處
溼當暑著來清意內稱義音平長短終身荷聖情

酬孟雲卿

樂極傷頭白更長

一作深

愛燭紅相逢雖袞袞告別莫怱怱但恐

天河落甯辭酒盞空明朝牽世務揮淚各西東

至德二載甫自京金光門出閒道歸鳳翔乾元初從左拾

遺移華州掾與親故別因出此門有悲往事

此道昔歸順西郊胡正騎

一作騎

煩至今猶

一作殘

破膽應有未招魂

近侍歸京邑移官豈至尊

公以至德二載疏救房琯獲咎賴張

為當事者所排擠非肅宗意也故曰移官豈至尊

無才日衰老駐馬望千門

出為華州司功或

獨立

空外一鷺鳥河閒雙白鷗飄飄搏擊便容易往來遊草露亦多

溼蛛絲仍未收天機近人事獨立萬端憂

草露喻讒謗汙染也

天機雖自淡泊無奈與人事日日相近動輒得咎故因有所見而感歎

寄高三十五詹事

安穩高詹事兵戈久索居時來知一作如宦達歲晚莫情疏天上
多鴻雁池中足鯉魚相看過半百不寄一行書

贈高式顏

昔別是何處相逢皆老夫故人還寂寞削跡共艱虞自失論文
友空知賣酒墟平生飛動意見爾不能無

觀安西兵過赴關中待命二首

四鎮富精銳摧鋒皆絕倫還聞獻士卒足以靜風塵老馬夜知
道蒼鷹飢一作秋著人臨危經久戰用急始如神
奇兵不在眾萬馬救中原談笑無河北心肝奉至尊孤雲隨殺
氣飛鳥避轅門竟日畱歡樂城池未覺喧

觀兵

北庭送壯士貔虎數尤多精銳舊無敵邊隅今若何妖氛擁白

馬元帥待琬戈莫守鄴城下斬鯨遼海波

末二句言不宜老師於鄴下當直取燕薊

賊巢也

路逢襄陽楊少府入城戲題四韻附一無此四字呈楊四員外

綰

寄語楊員外山寒少茯苓歸來稍暄暖當為斲青冥翻動神仙

一作龍蛇

窟封題鳥獸形兼將老藤杖扶汝醉初醒

憶弟二首

喪亂聞吾弟飢寒傍濟州人稀書不到兵在見何由憶昨狂催

走無時病去憂卽今千種恨惟共水東流
且喜河南定不問鄴城圍百戰今誰在三年望汝歸故園花自
發春日鳥還飛斷絕人煙久東西消息稀

得舍弟消息

亂後誰歸得他鄉勝故鄉直爲心厄苦久念與汝一作汝存亡汝書
猶在壁汝妾已辭房舊犬知愁恨垂頭傍我牀

不歸

河間尙征戰一作戰伐汝骨在空城從弟人皆有終身恨不平數金
憐俊邁總角愛聰明面上三年土春風草又生

秦州雜詩二十首

滿目悲生事因人作遠遊遲迴度隴怯浩蕩及關愁水落魚龍

夜山空鳥鼠秋西征問烽火心折此淹留

秦州城一作山北寺勝跡一作傳是隗囂宮苔蘚山門古丹青野殿空

月明垂葉露雲逐度溪風清潤無情極愁時獨向東

州圖領同谷同谷在今甘肅階州之成縣境去秦州約二百里驛道出流沙降虜兼千

帳居人有萬家馬騎朱一作珠汗落胡舞白題舊作斜年少臨洮

子西來亦自誇

鼓角緣邊郡川原欲夜時秋聽殷地發風散入雲悲抱葉寒蟬

靜歸山獨鳥遲萬方聲一概吾道欲何之

南使宜天馬由來萬匹強浮雲連陣沒秋草徧山長聞說真龍

種。仍。殘。老。驢。驢。哀。鳴。思。戰。鬪。迴。立。向。蒼。蒼。

城上胡笳奏山邊漢節歸防河赴滄海奉詔發金微士苦形骸

黑林疏鳥獸稀那堪往來戍恨解鄴城圍

莽莽萬重山孤城石谷間無風雲出塞不夜月臨關屬國歸何

晚樓蘭斬未還煙塵一一作獨長望衰颯正摧顏

聞道尋源使從天此路迴牽牛去幾許宛馬至今來一望幽燕

隔何時郡國開東征健兒盡羌笛暮吹哀

今日明人眼臨池好驛亭叢篁低地碧高柳半天青稠疊多幽

事喧呼閱使星老夫如有此不異在郊坰

雲氣接崑崙涔涔塞雨繁羌童看渭水使一作估客向河源煙火

軍中幕牛羊嶺上村所居秋草靜正閉小蓬門

蕭蕭古塞冷漠漠秋雲低黃鵠翅垂雨蒼鷹飢啄泥薊門誰自

北漢將獨征西不意書生耳一作臨衰厭鼓鼙

山頭南一作東郭寺水號北流泉老樹空庭得清渠一邑傳秋花

危石底晚景臥鐘邊俛仰悲身世溪風爲颯然

傳道東柯谷深藏數十家對門藤蓋瓦映竹水穿沙瘦地翻宜

粟陽坡可種瓜船人近相報但恐失桃花

萬古仇池穴潛通小有天神魚人不見福地語眞傳近接西南

境長懷十九泉何當一作時一茅屋送老白雲邊

未暇泛滄海悠悠兵馬閒塞門風一作風寒落木客舍雨連山阮籍

行多興龐公隱不還東柯遂疏嬾休鑷鬢毛斑

東柯好崖谷不與眾峰羣落日邀雙鳥晴天卷吳作片雲野人

矜一作險絕水竹會平分採藥吾將老兒童未遣聞

邊秋陰易夕一作不復辨晨光檐雨亂淋幔山雲低度牆鷓鴣

窺淺井蚯蚓上深堂車馬何蕭索門前百草長

地僻秋將盡山高客未歸塞雲多斷續邊日少光輝警急烽常

報傳聞檄屢飛西戎外甥國何得遷天威

鳳林戈未息魚海路常難錢箋天寶元年河西節度使王候火

雲峰一作峻懸軍幕一作井乾風連西極動月過北庭塞故老

思飛將何時議築壇

唐堯真自聖野老復何知
曬藥能無婦應門亦有兒
藏書聞禹穴讀記憶仇池
爲報鵷行舊鷦鷯在一枝

送人從軍

弱水應無地陽關已近天
今君度砂磧累月斷人煙
好武甯論命封侯不計年
馬塞防失道雪沒錦鞍韉

示姪佐

佐草堂在東柯谷

多病秋風落君來慰眼前
自聞茅屋趣祇想竹林眠
滿谷山雲起侵籬洲水懸
嗣宗諸子姪早覺仲容賢

佐還山後寄三首

山晚黃雲合歸時恐路迷
澗寒人欲到林

一作村

黑鳥應棲野客

茅茨小田家樹木低舊諳疏嬾叔須汝故相攜

白露黃梁熟分張素有期已應春得細頗覺寄來遲味豈同金菊香宜配綠葵老人他日愛正想滑流匙

幾道泉澆圃交橫幔落

一作落幔非

坡葳蕤秋葉少隱映野雲多隔

沼連香菱通林帶女蘿甚聞霜薤白重惠意如何

宿贊公房

杖錫何來此秋風已颯然雨荒深院菊霜倒半池蓮放逐甯違性虛空不離禪相逢成夜宿隴月向人圓

秋日阮隱居致薤三十束

隱者柴門內畦蔬遶舍秋盈筐承露薤不待致書求束比青芻

色圖齊玉筯頭衰年關鬪冷味暖復

一作腹

無憂

從人覓小胡孫許寄

人說南州路山猿樹樹懸舉家聞若咳

舊作駭

爲寄小如拳預哂

愁胡面初調見馬鞭許求聰慧者童稚捧應癩

遣懷

愁眼看霜露寒城菊白花天風隨斷柳客淚墮清笳水靜樓

一作

城陰直山昏塞日斜夜來歸鳥盡啼殺後棲鷗

寓目

一縣葡萄熟秋山苜蓿多關雲常帶雨塞水不成河羌女輕

一作

搖烽燧胡兒掣

一作制

駱駝自傷遲暮眼喪亂飽經過

野望

清秋望不極。迢遞起層陰。還水兼天淨。孤城隱霧深。葉稀風更落。山迴日初沈。獨鶴歸何晚。昏鴉已滿林。

雨晴

一作秋霽

天外秋雲薄。從西萬里風。今朝好晴景。久雨不妨農。塞柳行疏翠。山梨結小紅。胡笳樓上發。一雁入高空。

日暮

日落風亦起。城頭烏尾訛。黃雲高未動。白水已揚波。羌婦語還笑。一作哭胡兒行且歌。將軍別換上。一作上馬夜出擁雕戈。

東樓

鏡銓本題下有樓跨府城上五字錢箋本無之

萬里流沙道西征過此一作北門但添新一作征戰骨不返舊征一作

死魂樓角凌風迴城陰帶水一作雨昏傳聲看驛使送節向河源

山寺

野寺殘僧少山園細路高麝香眠石竹鸚鵡啄金桃亂水通人過懸崖置屋牢上方重閣晚百里見秋毫

天河

常時任顯晦秋至轉一作最分明縱被微雲掩終能永夜清含星動雙闕伴月落邊城牛女年年渡何曾風浪生

初月

光細弦欲一作初上影斜輪未安微升古塞外已隱暮雲端河漢

不改色。關山空自寒。庭前有白露。暗滿菊花團。

擣衣

亦知戍不返。秋至拭清砧。已近苦一作暮寒月。況經一作驚長別心。
甯辭擣衣倦。一寄塞垣深。用盡閨中力。君聽空外音。

歸燕

不獨避霜雪。其如儔侶稀。四時無失序。八月自知歸。春色豈相
訪。眾雛還識機。故巢儻未毀。會傍主人飛。

促織

促織甚微細。哀音何動人。草根吟不穩。牀下夜相親。久客得無
淚。故妻難及晨。悲絲一作絃與急管。感激異天真。

螢火

幸因腐草出敢近太陽飛未足臨書卷時能點客衣隨風隔幔
小帶雨傍林微十月清霜重飄零何處歸

蒹葭

挫折不自守秋風吹若何暫時花帶一作戴雪幾處葉沈波體弱
春苗一作風早叢長夜露多江湖後搖落亦一作祇恐歲蹉跎

苦竹

青冥亦自守軟弱強扶持味苦夏蟲避叢卑春鳥疑軒墀曾不
重翦伐欲無辭幸近幽人屋霜根結在茲

除架

束薪已零落瓠葉轉蕭疏幸結白花了甯辭青蔓除秋蟲聲不
去暮雀意何如寒事今年落人生亦有初

廢畦

秋蔬擁霜露豈敢惜凋殘暮景數枝葉天風吹汝寒綠霑泥滓
盡香與歲時闌生意春如昨悲君白玉盤

夕烽

夕烽來不近每日報平安塞上傳光小雲邊落點殘照秦通警
急過隴自艱難聞道蓬萊殿千門立馬看

秋笛

清商欲盡奏奏苦血霑衣他日傷心極征人白骨歸相逢恐恨

過故作發聲微。不見秋雲動。悲風稍稍飛。

空囊

翠柏苦猶食。明霞高可餐。世人共鹵莽。吾道屬艱難。不饗井晨凍。無衣牀夜寒。囊空恐羞澁。畱得一錢看。

病馬

乘爾亦已久。天寒關塞深。塵中老盡力。歲晚病傷心。毛骨豈殊眾。馴良猶至今。物微意不淺。感動一沈吟。

蓄劍

致此自僻遠。又非珠玉裝。如何有奇怪。每夜吐光芒。虎氣必騰上。一作龍身甯久藏。風塵苦未息。持汝奉明王。

銅瓶

亂後碧井廢時清瑤殿深銅瓶未失水百丈有哀音側想美人
意應悲寒螿沈蛟龍半缺落猶得折黃金

月夜憶舍弟

戍鼓斷人行邊秋一作一雁聲露從今夜白月是故鄉明有弟
皆分散無家問死生寄書長不達況乃未休兵

天末懷李白

涼風起天末君子意如何鴻雁幾時到江湖秋水多文章憎命
達魑魅喜人過應共冤魂語投詩贈汨羅

所思

自注得台州鄭
司戶虔消息

鄭老身仍竄台州信始傳爲農山淵曲臥病海雲邊世已疏儒
素人猶乞音酒錢徒勞望牛斗無計斷龍泉

卽事

聞道花門破和親事卻非人憐漢公主生得渡河歸

錢箋乾元二年回紇

從郭子儀戰於相州城下不利奔於西京四月可汗死其牙官
都督等欲以甯國公主殉葬公主亦依回紇法勢面大哭竟以
無子得歸八月詔百官於明鳳門外迎之秋思拋雲髻腰支臙寶衣羣凶猶索戰回
首意多違

送遠

帶甲滿天地胡爲君遠行親朋盡一哭鞍馬去孤城草木歲月
晚關河霜雪清別離已昨日因見古一作人情

酬高使君相贈

此下皆自秦隴至成都以後之詩

古寺僧牢落

錢箋公所居草堂寺時寓寺中故高詩云傳道招提客也

空房客

一作得

寓居故

人供祿米鄰舍與園蔬

雙樹容聽法三車肯載書

草玄吾豈敢

賦或似相如

王十五司馬弟出郭相訪遺營草堂賞

客裏何遷次江邊正寂寥肯來尋一老愁破是今朝憂我營茅

棟攜錢過野橋他鄉惟表弟還往莫辭遙

梅雨

南京犀浦道

錢箋至德二載以蜀郡爲南京寰宇記犀浦縣周垂拱二年割成都之西郫置杜甫宅地屬犀浦縣

四月熟黃梅

黯黯長江去冥冥細雨來茅茨疏易溼雲霧密難

杜少陵集

卷十八

五律

杜甫上

三

開竟日蛟龍喜盤渦與岸迴

江漲

江漲柴門外兒童報急流下牀高數尺倚杖沒中洲細動迎風燕輕搖逐浪鷗漁人縈小楫容易拔一作船頭

爲農

錦里煙塵外江村八九家圓荷浮小葉細麥落一作輕花卜宅從茲老爲農去國賒遠慚句漏令不得問丹砂

賓至

患氣經時久臨江卜宅新喧卑方避俗疏快頗宜人有客過茅宇呼兒正葛巾自鋤稀菜甲小摘爲情親

田舍

田舍清江曲柴門古道旁草深迷市井地僻嬾衣裳樗同柎或

柳枝弱枇杷樹樹一作對對香鸕鷀西日照曬翅滿漁梁

雲山

京洛雲山外音書靜不來神交作賦客力盡望鄉臺衰疾江邊臥親朋日暮迴白鷗元水宿何事有餘哀

遣興

干戈猶未定弟妹各何之拭淚霑襟血梳頭滿面絲地卑荒野大天遠暮江遲衰疾那能久應無見汝期

遣愁

義拙蓬爲戶。茫茫何所開。江通神汝館。地隔望鄉臺。漸惜容顏老。無由弟妹來。兵戈與人事。回首一悲哀。

北隣

明府豈辭滿。藏身方告勞。青錢買野竹。白幘岸江皋。愛酒晉山簡。能詩何水曹。時來訪老疾。步履到蓬蒿。

過南隣朱山人水亭

相近竹參差。相過人不知。幽花欹滿樹。細水曲一作水曲通池。一作細歸客村非遠。殘樽席更移。看君多道氣。從此數追隨。

出郭

霜露晚淒淒。高天逐望低。遠煙鹽井上。斜景雪峰西。故國猶兵

馬他鄉亦鼓聲江城今夜客還與舊鳥啼

散愁二首

久客宜旋旆興王未息戈蜀星陰見少江雨夜聞多百萬傳深
入寰區望匪他司徒光弼下燕趙收取舊山河

聞道并州鎮尙書

王思禮

訓士齊幾時通薊北當日報關西戀闕

丹心破霑衣皓首啼老魂招不得歸路恐長迷

奉簡高三十五使君

當代論才子如公復幾人驂騑開道路鷹隼出風塵行色秋將
晚交情老更親天涯喜相見披豁對吾真

和裴迪登新津寺寄王侍郎

王時牧蜀

何恨

一作限

倚山木吟詩秋葉黃蟬聲集古寺鳥影度寒塘風物

悲遊子登臨憶侍郎老夫貪佛日隨意宿僧房

村夜

風色蕭蕭暮江頭人不行村春雨外急鄰火夜深明胡羯何多
難樵漁寄此生中原有兄弟萬里正含情

西郊

時出碧雞坊西郊向草堂市橋官柳細江路野梅香傍架齊書
帙看題檢一作減藥囊無人覺一作與來往疏嬾意何長

寄楊五桂州譚

原注因州參軍段子之任

五嶺皆炎熱宜人獨桂林梅花萬里外雪片一冬深聞此寬相

憶爲邦復好音。江邊送孫楚。遠附白頭吟。

寄贈王十將軍承俊

將軍膽氣雄。倚懸兩角弓。纏結青驄馬。出入錦城中。時危未授鉞。勢屈難爲功。賓客滿堂上。何人高義同。

奉酬李都督表丈早春作

力疾坐清曉。來詩悲早春。轉添愁伴客。更覺老隨人。一作紅入桃花嫩。青歸柳葉新。望鄉應未已。四海尙風塵。

題新津北橋樓得郊字

望極春城上。開筵近鳥巢。白花檐外朵。青柳檻前梢。池水觀爲政。廚煙覺遠庖。西川供客眼。偏愛一作惟有此江郊。

遊修覺寺

野寺江天豁。山扉花竹幽。詩應有神助。吾得及春遊。徑石深作一。

相。縈帶川雲白。

一作晚

去畱禪枝宿。眾鳥漂轉暮歸愁。

後遊

寺憶曾遊處。橋憐再渡時。江山如有待。花柳更無私。野潤煙光薄。沙暄日色遲。客愁全爲減。捨此復何之。

遣意二首

嘯枝黃鳥近。泛濫白鷗輕。一逕野花落。孤村春水生。衰年催醵

黍。細雨更移橙。漸喜交遊絕。幽居不用名。

檐影微微落。津流脈脈斜。野船明細火。宿鷺起。

舊作雁聚

圓沙雲掩

初弦月香傳小樹花鄰人有美酒稚子夜能賒

漫成二首

野日荒荒

一作茫茫

白春

一作江

流泯泯清渚蒲隨地有村逕逐門成

祇作披衣慣常從漉酒生眼邊無俗物多病也身輕

江皋已仲春花下復清晨仰面貪看鳥迴頭錯應人讀書難字

過對酒滿壺頻近識峨嵋老知余嬾是真

春夜喜雨

好雨知時節當春乃發生隨風潛入夜潤物細無聲野徑雲俱黑江船火獨明曉看紅溼處花重錦官城

春水

三月桃花浪一作水江流復舊痕朝來沒沙尾碧色動柴門接縷垂芳餌連筒灌小園已添無數鳥爭浴故相喧

江亭

坦腹江亭暖長吟野望時水流心不競雲在意俱遲寂寂春將晚欣欣物自私江東猶苦戰回首一顰眉錢本作故林歸未得排悶強裁詩

早起

春來常早起幽事頗相關帖石防隤岸開林出遠山一邱藏曲折緩步有躋攀童僕來城市瓶中得酒還

落日

落日在簾鉤溪邊春事幽芳菲緣岸圃樵爨倚灘舟啁雀爭枝

陸飛盡滿院遊。濁醪誰造汝。一酌散千憂。

可惜

花飛有底急。老去願春遲。可惜歡娛地。都非少壯時。寬心應是酒。遣興莫過詩。此意陶潛解。吾生後汝期。

獨酌

步屨

一作倚杖

深林晚開樽。獨酌遲仰盞。黏落絮

一作蕊

行

一作切

蟻上

枯梨薄劣慚真隱。幽偏得自怡。本無軒冕意。不是傲當時。

徐步

整履

一作屐

步

青蕪荒庭日欲晡。芹泥隨燕糝。粉

一作花蕊

上蠶

鬢把酒從衣溼。吟詩信杖扶。敢論才見忌。實有醉如愚。

人天寺少

卷一

五律

陸飛盡

毛

寒食

寒食江村路。風花高下飛。汀煙冉冉竹。日淨暉暉田。父老皆去鄰。家問不違地。偏相識。盡雞犬。亦忘歸。一作機

贈別何邕

生死論交地。何由見一人。悲君隨鷺雀。薄宦走風塵。綿谷元通漢。沱江不向秦。五陵花滿眼。傳語故鄉春。

石鏡

蜀王將此鏡。送死置空山。冥寞憐香骨。提攜近玉顏。眾妃無復歎。千騎亦虛還。獨有傷心石。埋輪月字閒。

琴臺

茂陵多病後，尙愛卓文君。酒肆人閒世，琴臺日暮雲。
野花留寶曆，蔓草見羅裙。歸鳳求凰意，寥寥不復聞。

水檻遣心二首

去郭軒楹敞，無村眺望賒。澄江平少岸，幽樹晚多花。
細雨魚兒出，微風燕子斜。城中十萬戶，此地兩三家。

蜀天常夜雨，江檻已朝晴。葉潤林塘密，衣乾枕席清。
不堪祇老病，何得尙浮名。淺把涓涓酒，深憑送此生。

朝雨

涼氣曉蕭蕭，江雲亂眼飄。風簫_{一作簫}藏近渚，雨燕集深條。
黃綺

終辭_{一作投}漢巢由，不見堯草堂。樽酒在幸得，過清朝。

晚晴

村晚驚風渡庭幽過雨霑夕陽薰細草江色映疏簾書亂誰能
帙杯乾自可添時聞有餘論未怪老夫潛

高枿

俗作枿

枿樹色冥冥江邊一蓋青近根開藥圃接葉製茅亭落景陰猶
合微風韻可聽尋常絕醉困臥此片時醒

惡樹

獨遶虛齋徑常持小斧柯幽陰成頗雜惡木翦還多枸杞因一作
吾有雞棲奈汝一作爾何方知不材者生長漫婆娑

一室

一室他鄉遠

一作老

空林暮景懸正愁聞塞笛獨立見江船巴蜀

來多病荆蠻去幾千

一作年

應同王粲宅畱井峴山前

聞斛斯六官未歸

故人南郡去去索作碑錢本賣文爲活翻令石倒懸荆扉深蔓草土銼冷疏煙老罷休無賴歸來看醉眠

赴青城縣出成都寄陶王二少尹

老恥妻孥笑貧嗟出入勞客情投異縣詩態憶吾曹東郭滄江合西山白雪高文章差底病迴首興滔滔

野望因過常少仙

野橋齊度馬秋望轉幽哉竹覆青城合江從灌口來入村樵徑

引營果栗皴

一作圖

開落盡高天日西人未遣回

送裴五赴東川

故人亦流落高義動乾坤何日通燕塞相看老蜀門東行應暫別北望苦銷魂凜凜悲秋意非君誰與論

逢唐興劉主簿弟

錢箋寰地唐永

宇記遂州蓬溪縣本漢廣漢縣唐興縣天寶元年改

為蓬溪公此詩及唐興縣客館記俱循舊名

分手開元末連年絕尺書江山且相見戎馬未安居劒外官人冷關中驛騎疏輕舟下吳會主簿意何如

敬簡王明府

葉縣郎官宰周南太史公神仙才有數流落意無窮驥病思偏

秣鷹秋

一作愁

怕苦籠看君用高義恥與萬人同

重簡王明府

甲子西南異冬來祇薄寒江雲何夜盡

一作靜

蜀雨幾時乾行李

須相問窮愁豈自

一作有

寬君聽鴻雁響恐致稻梁難

不見

自注近無李白消息

不見李生久佯狂真可哀世人皆欲殺吾意獨憐才敏捷詩千

首飄零酒一杯匡山讀書處頭白好歸來

草堂卽事

荒邨建子月獨樹老夫家

一作霧雪

裏江船渡風前徑竹斜寒魚

依密藻宿雁

一作鷗

聚圓沙蜀酒禁愁得無錢何處賒

徐九少尹見過

晚景孤邨僻行軍數騎來交新徒有喜禮厚愧無才賞靜憐雲竹忘歸步月臺何當看花蕊欲發照江梅

范二員外邈吳十侍御郁特枉駕闕展待聊寄此作

暫往比鄰去空聞二妙歸幽棲誠簡略衰白已光輝野外貧家遠村中好客稀論文或不愧重肯款柴扉

王竟攜酒高亦同過

前有七律一首題云王十七侍御掄三十五使君同到故此一首題云王竟攜酒高亦同過前詩云老夫臥穩朝慵起白屋寒多暖始開江鶴巧當幽徑捨鄰難還過短牆來繡衣屢許攜家醞阜蓋能忘折野梅戲假霜威促山簡須成一醉習池迴

臥疾荒郊遠通行小徑難故人能領客攜酒重相看自愧無能

一作

菜空煩卸馬鞍移樽勸山簡頭白恐風寒

自注高每云汝年幾不必小於

我故此句戲之

觀作橋成月夜舟中有述還呈李司馬

此題本有七律一首五律一首題作

陪李七司馬阜江上觀造竹橋云云此所題者草堂本也

把燭橋成夜迴舟客坐時天高雲去盡江迴月來遲衰謝多扶

病招邀屢有期異方乘此興樂罷不無悲

得廣州張判官叔卿書使還以詩代意

鄉關胡騎滿

一作遠

宇宙蜀城偏忽得炎州信遙從月峽傳雲深

驃騎幕夜隔孝廉船卻寄雙愁眼相思淚點懸

魏十四侍御就敝廬相別

有客騎驄馬江邊問草堂遠尋留藥價惜別倒一作到文場入幕

旌旗動歸軒錦繡香時應念衰疾書疏及滄浪

贈別鄭鍊赴襄陽

戎馬交馳際柴門老病身把君詩過日一作目念此別驚神地闊

峨眉晚一作曉天高峴首春為於耆舊內試覓姓龐人

廣州段功曹到得楊五長史譚書功曹卻歸聊寄此詩

衛青開幕府楊僕將樓船漢節梅花外春城海水邊銅梁書遠

及珠浦使將旋貧病他鄉老煩君萬里傳

送段功曹歸廣州

南海春天外功曹幾月程一作行峽雲籠樹小湖日落一作船明

交趾丹砂重韶州白葛輕
幸君因旅客時寄錦官城

江頭五詠

丁香

丁香體柔弱亂結枝猶墊
細葉帶浮毛疏花披素豔
深栽小齋後庶近幽人占
晚墮蘭麝中休懷粉身念

麗春

百草競春華麗春應最勝
少須

晉作頃

好顏色

草堂作顏色好

多漫枝條

剩紛紛桃李枝處處總能移
如何貴此重

晉作稀如可貴重

卻怕有人

知

梔子

八家詩錄 卷十八
梔子比衆木人閒誠未多於身色有用與道氣傷一作和紅取
風霜實青看雨露柯無情移得汝貴在映江波

鷓鴣

故使籠寬纖須知動損毛看雲猶一作莫悵望失水任呼號六翮
曾經翦孤飛卒一作通未高且無鷹隼慮畱滯莫辭勞

花鴨

花鴨無泥滓階前一作中庭每緩行羽毛知獨立黑白太分明不覺
羣心妬休牽衆眼驚稻梁霜汝在作意莫先鳴

畏人

早花隨處發一作發處春鳥異方啼萬里清江上三年一作峰落日低

畏人成小築。櫺性合幽棲。門逕一作從榛草無心待馬蹄。

屏跡三首

用拙存一作識吾道。幽居近物情。桑麻深雨露。燕雀半生成。村鼓

時時急。漁舟箇箇輕。杖藜從白首。心跡喜雙清。

晚起家何事。無營地轉幽。竹光團野色。舍一作山影漾江流。失學

從兒嬾。長貧任婦愁。百年渾得醉。一月不梳頭。

衰顏一作年甘屏跡。幽事供高臥。鳥下竹根行。龜開萍葉過。年荒

酒價乏。日併園蔬課。猶酌甘泉歌。一云獨酌酌甘泉歌長擎樽

破

嚴公廳宴同詠蜀道畫圖得空字

日臨公館靜畫列

一作滿

地圖雄劔閣星橋北松州雪嶺東華夷

山不斷吳蜀水相通興與煙霞會清樽幸不空

奉濟驛重送嚴公四韻

遠送從此別青山空復情幾時杯重把昨夜月同行列郡謳歌
惜三朝出入榮江村獨歸處一作去寂寞養殘生

題玄武禪師屋壁

何年顧虎頭滿壁畫滄瀾

一作瀾

洲赤日石林氣青天江海

一作水

流

錫飛常近鶴杯渡不驚鷗似得廬山路真隨惠遠遊

悲秋

涼風動萬里羣盜尙縱橫家遠待

一作傳

書日秋來爲客情愁窺

高鳥過老逐眾人。行始欲投山峽何由見兩京。

客夜

客睡何曾著。秋天不肯明。卷簾殘月影。高枕遠。一作送江聲。計拙無衣食。途窮仗友生。老妻書數紙。應悉未歸情。

客亭

秋窗猶曙色。落木更高天。一作風日出寒山外。江流宿霧中。聖朝無棄物。衰老一作病已成翁。多少殘生事。飄零任轉蓬。

九日登梓州城

伊昔黃花酒。如今白髮翁。追歡筋力異。望遠歲時同。弟妹悲歌裏。乾坤一作朝廷醉眼中。兵戈與關塞。此日意無窮。

九日奉寄嚴大夫

九日應愁思。經時冒險艱。不眠持漢節。何路出巴山。
小驛香醪嫩。重巖細菊斑。遙知簇鞍馬。回首白雲閒。

戲題寄上漢中王三首

自注時王在梓州初至
斷酒不飲篇中戲述

西漢親王子。成都老客星。百年雙白鬢。一別五秋螢。
忍斷杯中物。祇看座右銘。不能隨卓犖。自醉逐浮萍。

策杖時能出王門。異昔遊已知嗟不起。未許醉相畱。
蜀酒濃無敵。江魚美可求。終思一酩酊。淨掃雁池頭。
羣盜無歸路。衰顏曾遠方。尙憐詩警策。猶記酒顛狂。
魯彌尊重徐陳略。喪亡空餘枚叟在。應念早升堂。

翫月呈漢中王

夜深露氣清江月滿江城浮客轉危坐歸舟應獨行關山同一

照一作點烏鵲自多驚欲得淮王術錢箋淮南子畫隨灰而月暈則月暈以蓋灰環闕其一面則月暈亦闕於上周王褒關山月

詩天寒光轉白風多暈欲生庾肩吾望月詩圓隨漢東蚌暈逐

淮南風吹暈已生

陪王侍御宴通泉東山野亭

江水東流去清樽日復斜異方同宴賞何處是京華亭景臨山

水村煙對浦沙狂歌遇形一作勝得醉即為家

舍弟占歸草堂檢校聊示此詩

久客應吾道相隨獨爾來熟舊作知江路近頻為草堂迴鵝鵝

宜長數柴荆。莫浪開東林。竹影薄臘月。更須栽。

春日梓州登樓二首

行路難如此。登樓望欲迷。身無卻少壯。跡有但羈栖。江水流城郭。春風入鼓鞀。雙雙新燕子。依舊已銜泥。

天畔登樓眼。隨春入故園。戰場今始定。移柳豈一作更能存。厭蜀

交遊冷。思吳勝事繁。應須理舟楫。長嘯下荆門。

送司馬入京

錢箋本無此詩。鏡銓本作巴西。聞收京闕。送班司馬入京二首。王凡山人本作兩題。前題

同鏡銓本。後題同此本。

羣盜至今日。先朝忝從臣。歎君能戀主。久客羨歸秦。黃閣一作閣長司諫。丹墀有故人。向來論社稷。爲話涕霑巾。

遠遊

賤子何人記。迷方著處家。竹風連野色。江水擁春沙。種藥扶衰病。吟詩解歎嗟。似聞胡騎走。失喜問京華。

鄴城西原送李判官兄武判官弟赴成都府

憑高一作登送所親。久坐惜芳辰。遠水非無浪。他山自有春。野花隨處發。官柳著行新。天際傷愁別。離筵何太頻。

涪江泛舟送韋班歸京得山字

追餞同舟日。傷春一作心一水閒。飄零爲客久。衰老羨君還。花遠一作雜重重樹。雲輕處處山。天涯故人少。更益鬢毛班。

泛舟送魏十八倉曹還京因寄岑中允參范郎中季明

遲日深春水輕舟送別筵帝鄉愁緒外春色淚痕邊見酒須相
憶將詩莫浪傳若逢岑與范爲報一作問各衰年

泛江送客

二月頻送客東津江欲平煙花山際重舟楫浪前輕淚逐勸盃
下愁連吹笛生離筵不隔日那得易爲情

雙燕

旅食驚雙一作雙飛燕銜泥入此一作北堂應同避燥溼且復過炎涼
養子風塵際來時道路長今秋天地在吾亦離殊方

百舌

苦來何處重重祇報春知音兼眾語整翮豈多身花密藏難

見枝高聽轉新過時如發口君側有讒人

登牛頭山亭子

路出雙林外亭窺萬井中江城孤照日春山一作谷遠含風兵革身將老關河信不通猶殘數行淚忍對百花叢

上牛頭寺

青山意不盡衮衮上牛頭無復能拘礙真成浪出遊花濃春寺靜竹細野池幽何處鶯啼切移時獨未休

望牛頭寺

牛頭見鶴林梯逕繞幽深春色浮山外天河宿殿陰傳燈無白日布地有黃金休作狂歌老迴看不住心

上兜率寺

如字

兜率知名寺。眞如會法堂。
江山有巴蜀。棟宇自齊梁。
庾信哀雖久。周舊作顒好不忘。
白牛車遠近。且欲上慈航。

望兜率寺

樹密當山徑。深江隔寺門。
霏霏雲氣動。重一作閃閃浪花翻。
不復知天大。空餘見佛尊。
時應清盥罷。隨喜給孤園。

甘園

春日清江岸。千甘二頃園。
青雲羞葉密。白雪避花繁。
結子隨邊使。開筒近至尊。
後於桃李熟。終得獻金門。

陪李

曹作

梓州王閬州蘇遂州李果州四使君登惠義寺

春日無人境。虛空不住天。鶯花隨世界。樓閣倚奇山。一作山巔。選集
身何得登臨。意惘然。誰能解金印。瀟灑其安禪。

數陪李昌作章梓州泛江有女樂在諸舫戲爲豔曲二首

贈李

上客迴空騎。佳人滿近船。江清歌扇底。野曠舞衣前。玉袖凌一作

臨風竝金壺。隱浪偏競將。明媚色偷眼。豔陽天。

白日移歌裏。袖同清宵近笛牀。翠眉紫度曲雲疊。儼分行立馬千

山暮迴舟。一水香使君自有婦。莫學野鷺鷥。

送何侍御歸朝元注李梓州泛舟筵上作

舟楫諸侯餞。車輿使者歸。山花相映發。水鳥自孤飛。春日垂霜

鬢天隅把繡衣故人從此去一作遠寥落寸心違

江亭送眉州辛別駕昇之得蕪字

柳影含雲幕一作重江波近酒壺異方驚會面終宴惜征途一作晚

低風蝶天晴喜浴甕別離傷老大意緒日荒蕪

行次鹽亭縣聊題四韻奉簡嚴遂州蓬州兩使君諮議諸

昆季

馬首見鹽亭高山擁縣青雲溪花淡淡一作春郭水泠泠一作全蜀

多名士嚴家聚德音長歌意無極好為老夫聽

倚杖

看花雖郭內一作外倚杖即溪邊山縣早休市江橋春聚一作船

狎一作鷗輕白浪歸雁喜青天物色兼生意淒涼憶去年

陪王漢州留杜綿州泛房公西湖

舊相恩追後春池賞不稀闕庭分未到舟楫有光輝鼓化尊絲
熟刀鳴鱸縷飛使君雙皂蓋灘淺正相依

舟前小鵝兒

鵝兒黃似酒對酒愛新鵝引頸順船過一作無行亂眼多翅開
遭宿雨力小困滄波客散層城暮狐狸奈若何

送韋郎司直歸成都

竄身來蜀地同病得韋郎天下兵戈滿江邊歲月長別筵花欲
暮春日鬢俱蒼爲問南溪竹一作抽梢合過牆

臺上得涼字

改席臺能

一作爲

迴畱門月復光雲霄遺暑溼山谷進風涼老去

一杯足誰憐屢舞長何煩把官燭似惱鬢毛蒼

章梓州水亭

元注時漢中王兼道士席謙在會同用荷字韻

城晚通雲霧亭深到菱荷使人橋外少秋水席邊多近屬淮王
至高門薊子過荊州愛山簡吾醉亦長歌

有感五首

將帥蒙恩澤兵戈有歲年至今勞聖主何以報皇天白骨新交

戰雲臺舊拓邊

錢箋唐自武德以來開拓邊境地連西域皆置都督府州縣開元中置朔方等處節度使以統

之祿山反後數年開西北數十州相繼淪沒肅取河乘槎斷消
西隴右之地自鳳翔以西邠州以北皆爲左衽矣

息無處覓張

錢箋李之芳被問次年始放還故云

幽薊餘虵豕乾坤尙虎狼諸侯春不貢使者日相望慎勿吞青

海無勞問越裳大君先息戰歸馬華山陽錢箋云是時史朝義

之地驕恣不貢代宗懦弱不能致討此詩云慎勿吞青海無勞

問越裳安有節鎮之近不修職貢而顧能從事遠略者乎蓋歎

之也息戰歸馬謂其不復能用兵而婉辭以譏之也

洛下舟車入天中貢賦均日聞紅粟腐寒待翠華春莫取金湯

固長令宇宙新不過行儉德盜賊本王臣錢箋自吐蕃入寇車

洛陽代宗然之子儀上章奏諫代宗省表垂涕亟還京師其略

日東周之地久陷賊中宮室焚燒十不存一矧其土地狹阨纔

數百里東有成皋南有二室險不足恃適爲戰場明明天子躬

儉節用苟能黜素餐之吏去冗食之官抑豎刁易牙之權任選

環史鰌之直則黎元自理盜賊自平中興之功

旬月可冀此詩後四句正隱括汾陽論奏大意

詩人定詩少

五律

杜甫上

丹桂風霜急青梧日夜凋由來強幹地未有不臣朝受鉞親賢

往卑宮制詔遙終依古封建豈獨聽簫韶錢箋初房琯建分鎮

子北略朔方命諸王分守重鎮詔下遠近相慶咸思效忠於興

復祿山撫膺日吾不得天下矣肅京卽位惡琯貶之用其諸子

統師然皆不出京師遙制而已宗藩削弱藩鎮不臣公追歎朝

廷不用琯議失強幹弱枝之義而有事則倉卒以親賢授鉞也

丹桂言王室青梧言宗藩也卑宮制詔卽天寶十五載七月丁

卯制置天下之詔也謂其分封諸王如禹之與子故以卑宮言

之壯遊詩禹功亦命子此其證也落句言不依古封建而欲

坐聽簫韶不可得也公之冒死救琯豈獨以交友之故哉

胡一作滅人還亂兵殘將自疑登壇名絕假執玉爾何遲領郡

輒無色之官皆有詞願聞哀痛詔端拱問瘡痍錢箋李肇國史

事於外則命使臣否則止自置入節度十採訪始有坐而爲使

其後名號益廣大抵生於置兵盛於專利普於銜命於是爲使

則重爲官則輕故天寶末佩印有至四十者大厯中詩俸有至

千貫者宦官內外悉屬之使舊爲權臣所管州縣所理今屬中

人者有之此詩云登壇名絕假謂諸將兼官太多所謂坐而爲
使也領郡輒無色州郡皆權臣所管不能自達故曰無色也之
官皆有詞所謂爲使則重爲官則輕也送陵州路使君詩云王
室比多難高官皆武臣與此正相發明東坡謂唐郡縣多不得
人由重內輕外者此天寶以前
事以言乎廣德之時則迂矣

送元二適江左

亂後今相見秋深復遠行風塵爲客日江海送君情晉室丹陽
尹公孫白帝城經過自愛惜取次莫論兵元注元嘗應孫吳科舉

薄遊

浙浙

一作浙浙

風生砌團團日

一作月

隱牆遙空秋雁滅半嶺暮雲長

病葉多先墜寒花祇暫香巴城添淚眼今夜復清秋

一作光

薄暮

五律

杜甫上

三

五律

杜甫上

三

五律

杜甫上

三

五律

杜甫上

三

江水最深一作長流地山雲薄暮時寒花隱亂草宿鳥探一作擇深枝
故國見何日高秋心苦悲人生不再好鬢髮自一作白成絲

放船

送客蒼溪縣山寒雨不開直愁騎馬滑故作放舟迴青惜峯巒
過黃知橘柚來江流大一作天自在坐穩興悠哉

贈韋贊善別

扶病送君發自憐猶不歸祇應盡客淚復作掩荆扉江漢故人
少音書從此稀往還二十載歲晚寸心違

警急

元注時高公適領西川節度

才名舊楚將妙略擁兵機玉壘雖傳檄松州會解圍和親知拙

計公主漫無歸青海今誰得西戎實飽飛錢箋平德二載永下
害永王必敗上奇其對以適為揚州左都督府長史淮南節度
使故云舊楚將舊書代宗即位吐蕃陷隴右漸逼京畿適練兵
于蜀臨吐蕃南境以牽制之師出無功而松維等州尋為
蕃兵所陷以黃門侍郎嚴武代還此詩松州未陷時作也

王命

漢北豺狼滿巴西道路難血埋諸將甲骨斷使臣鞍錢箋廣德元年李之芳等使吐蕃被牢落新燒棧蒼茫舊築壇深懷喻蜀意慟哭望

王官

征夫

十室幾人在千山空自多路衢唯見哭城市不聞歌漂梗無安
地銜枚有荷戈官軍未通蜀吾道竟如何

西山三首

夷界荒山頂蕃州

積雪邊

錢箋高適疏云今所界吐蕃城堡不

於險絕之木運糧

於東馬之路坐甲於無人之鄉李宗諤圖經

維州南界江城岷

山連嶺而西不知其極北望高山積雪如玉

東望城都若井底

吐蕃之要衝築城依連一作白帝轉粟上青天

面臨江是西蜀控

助一作鎧鋌西南背和好殺氣日相纏

蜀將分旗鼓羌兵

助一作鎧鋌西南背和好殺氣日相纏

辛苦三城成長防

萬里秋煙塵侵火井雨雪閉松州風動將軍

幕天寒使者裘漫

山賊營一作壘迴首得無憂錢箋廣德元年

三城及雪山新築

二賊高適不能救

於是劍南西山諸

州亦入於吐蕃

子弟猶深入關城

未解圍蠶崖鐵馬瘦灌口米船稀

策元戎決勝威今

朝烏鵲喜欲報凱歌歸

策元戎決勝威今

朝烏鵲喜欲報凱歌歸

策元戎決勝威今

朝烏鵲喜欲報凱歌歸

策元戎決勝威今

朝烏鵲喜欲報凱歌歸

對酒

莽莽天涯雨。江邊獨立時。
不愁巴道路。恐溼漢旌旗。
雪嶺防秋急。繩橋戰勝遲。
西戎甥舅禮。未敢背恩私。

歲暮

歲暮遠爲客。邊隅還用兵。
煙塵犯雪嶺。鼓角動江城。
天地日流血。朝廷誰請纓。
濟時敢愛死。寂寞壯心驚。

送李卿

王子思歸日。長安已亂兵。
霑衣問行在。走馬向承明。
暮景巴蜀僻。春風江漢清。
青山雖自棄。魏闕尚含情。

城上

草滿巴西綠空城

一作城空

白日長風吹花片片春動水

一作春送雨

茫

茫八駿隨天子羣臣從武皇遙聞出巡狩早晚徧遐荒

江亭王閬州筵餞蕭遂州

離亭非舊國春色是他鄉老畏歌聲斷

一作短

愁隨舞曲長二天

開寵餞五馬爛生光川路風煙接俱宜下鳳凰

陪王使君晦日泛江就黃家亭子二首

山豁何時斷江平不肯流稍知花改岸始驗鳥隨舟結束多紅

粉歡娛恨白頭非君愛人客晦日更添愁

有徑金沙軟無人碧草芳野畦連蛺蝶江檻俯鶯鶯日晚煙花

亂風生錦繡香不須吹急管衰老易悲傷

泛江

方舟不用楫。極目總無波。長日容盃酒。深江淨綺羅。亂離還奏樂。飄泊且聽歌。故國流清渭。如今花正多。

暮寒

霧隱平郊樹。風寒廣岸波。沈沈春色靜。慘慘暮寒多。戍鼓猶長擊。林鶯遂不歌。忽思高宴會。朱袖拂雲和。

遊子

巴蜀愁誰語。吳門興杳然。九江春草外。三峽暮帆前。厭就成都卜。休爲吏部眠。蓬萊如可到。衰白問羣仙。

滕王亭子

寂寞春山路。君王不復行。古牆猶竹色。虛閣自松聲。鳥鵲荒村暮。雲霞過客情。尚思歌吹入。千騎擁一作把霓旌。

玉臺觀

元注滕王造

浩劫因王造。平臺訪古遊。彩雲蕭史駐。文字魯恭留。宮闕通羣帝。乾坤到十洲。人傳有笙鶴。時過北山頭。

十八家詩鈔卷十八

善化黃維申襄校